

نومرو ۲۵ — ۱۴ رمضان ۱۳۲۹

پنجشنبه کونلری نشر اولنور

۲۵ آغستوس ۱۳۲۷

صاحب امتیاز و سر محرری
اورفه مبعوتی

شیخ صفوت

مرکز توزیمی باب عالی جاده سنده
جمعیت کتبخانه سیدر

نسخه سی ۲۰ پاره در

تصوف

التصوف کله آداب : ابو حفص عمر بن مسلمه

عرفای امتک مقالات عارفانه لرینه تصوفک صحیفه لری آچیقدر

تصوفه متعلق مباحث شتادن باحث و مکارم اخلاق اسلامیتک تعمیمنه خادم مجله مغنویه در

بالجمله محررات در سعادت پوسته خانه سنه
تصوف جریده سی نامه کوندر ملیدر.
قوتلو نومرو سی ۱۴۳

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچوز ۷ فراقدر .

ایتمش و مرقوملر ایسه بوندن یول قلاغوزلنی معناسنه زاهب اولهراق بلا مضرت صاوشوب کتمشلدرد .

نه ایسه جناب حق جله مزی صدق فضائل مادیه و معنویه سیله وایه مند سعادت و کذبک هر درلو فالغندن محافظه وصانت بیورسون آمین .

حیدری زاده

ابراهیم



کلام درکاهی پوست نشینی شیخ اسمع افندی حضر تری طرفدن تقریر بیورلمش اولان درس شریفدر .

درس شریف

٤

بِسْمِ اللَّهِ الرَّحْمَنِ الرَّحِيمِ

(قال الله تبارک و تعالی و مالکم ان لاتنقوا فی سبیل الله و لله میراث السموات و الارض) بآیة جلیله مؤمنلرک سبب نجات و بادی دخول جناتی اولان صدقاته بحق رعایت ایمان کونه نظر ان امتک حالندن استغراب صورتیه فرمان بیورلمشدر . اوت حقیقتاً اغنیا و اصحاب ثروتک اتفاق فی سبیل الله خصوصه کی تسامح و تهاونی جداً شایان تأسفدر . زیرا علیه الصلوات و السلام افندمز حضر تری (الشیخ لا یدخل الجنة) یعنی بخیل اولان کسه قبل العذاب جنته داخل اوله ماز بیورمشلردر . کذلک (الصدقة افضل من الصیام و الصیام جنة من النار) یعنی صدقه رمضان شریفک غیرنده واقع اولان صیامدن افضلدر . صوم ایسه انسانی نار جحیمدن وقایه ایچون قالقان قیامندهدر . بیورمش اولدینی کی زکات خصوصه دخی لا یقبل الله الایمان و الصلاة الا بالزکات) یعنی زکات ویرمیانلرک ایمان و صلاتی جاب حق شایان قبول بیورمز . کذلک (مانع الزکاة يوم قیامتده فی النار) یعنی مالک زکاتی ویرمیان يوم قیامتده ناز جحیمدهدر . مانندن برخیل احادیث شریفه نک وارد اولدینی دین مبین

اسلام سایه سنده عذاب الیمدن قورتلقی املنده بولسان ارباب عقولک معلومی اولسه کرکدر . شومقدمه یی شو حقیقت مجسمه یی سرد و بیاندنصرکه براز دخی آیت جلیله دن مراد اولان خلاصه معنائک ترجمه و تفسیرینه اتیان ایدلم . معلوم اوله که جناب حق جل و علا حضر تری نک (و مالکم ان لاتنقوا) جله جلیله سنده واقع اولان خطاب مستطابی عموم اهل ایمانه قارشو بولدینی جای اشتباه دکادر . یعنی ای جماعت مؤمنین مال دنیانک صورت صرفی ایله صرفه مده موجود اولان فوآنده و محسناته برخیل آیت بینات ایله تبلیغ و اثباتدنصرکه اتفاق فی سبیل الله مسئله مهمه سندن سزلی منع ایدن نه کی شیلدر . عجا دار الفانی دنیاده باقی اولمدیغکزی و دارالبقای عقبا به انتقال اتمکه مجبور بولمدیغکزی و با خصوص الکزده موجود اولان بالجه اموال و اشیادن یالکز برکفن مقداری آلوب سائرلرک ترکیه محکوم اولدیغکزی بیلمدیکزی محقق بیلکزرکه الکزده موجود اولان مال و ثروندن آریله جقسکزر ارتمکزر جناب حی باقی به انتقال ایدر و ایستدیکی قوللرینه احسان ایلر سزله دخی نائل اولدیغکزر فرصندن محروم اولهراق ترک حیات ایدرسکزر آیت جلیله نک ساحة تفسیرنده موجود اولان کال وسعت نقطه نظرندن بوراده دخی بر قاج معنای مهمه اشارت واردر .

برنجیدی : کرا خانه لرنده اقامت اتمکده اولان مستاجرین بر خانه دن دیگر خانه به نقل ایدرکن بتون اشیا سنی کنیدیسیله کورتوروب سوکلی اموالندن برشی ترک ایتیمه چکی معروف و متعارف اولدینی حالده هر شیئه محتاج اولان خانه قبری کیدنلر سوکلی اشیا لرندن قسماً اولسون بر شیئی برابرلرنده کورتورمه ملری جداً شایان تحیر و تحسدر .

ایکنجیمی : جنساب حقلک کندی قوللرینه امانتا احسان بیورمش اولدینی فضله اموالندن بر صورتله آریله جفی ، موت ایله اولسون مفارق اوله جفی جای اشتباه دکادر . شو قدر واره که اطعام فقرا ، اکسای

اتباعدن مستثنا بیورماشدر. مولام جمله منی اوصراط
م تقیعدن آیرسون آمین

کلامی درگاه شریفی پوست نشین

اسعد

اب المثنوی

(مابعد)

حضرت پیرک کندی خلیفه سی اولان حسام الدین
چای حضرتلرینه اقدام واستناد کاهم کبی گات تعظیمکا.
رانه قولانمی یالکز کال تراکت وتواضعه دلیل دکادر
بینهاده جاری اولان اسرار طریقه ده شاملدر. معلومدرکه
بر شیخ بر مریدی استخلاف ایدرسه یکدیگرندن
آبرو وغیری حالاری قالماز. آنلر یکدیگرینک عین
صورتده سندی ومعمدی اولورلر. بناء علیه حضرت
پیرنصل حسام الدین چای حضرتلرینک سندی ومعمدی
ایسه حسام الدین حضرتلری دخی پیر مشار الیهک سندی
ومعتمدیدر بوبخت غایت مهم اولوب اساساً درون مشویده
مشروح اوله جفندن فضله یازمقدن اجتناب اولنمش
ویالکز فکره تبادر ایتمی ملحوظ بولان (بر شیخ
مریدینه نصل اولورده بویه الفاظ تعظیمیده بولنور ؟)
سؤالی رد ایچون بر نیده بحث ایدلمشدر .

(ومکان از روح فی جسدی وذخیره یومی وغدی)

ترجمه : حضرت حسام الدین جسد مده روحک
بولندینی و بوکونکی و یاریسکی ذخیره مدر.

شرح : روح انسانک جسمنه ساریدر. مع هذا مکان
روح اعتبار ایدیلن برقلبدر. جناب حق حدیث قدسیسنده
قلب حقنده (لی خزانه اعظم من العرش و اوسع من الكرسي
وازين من الملكوت و اطيب من لجة الاوى القاب من عبد
عارف کامل) بیورماشدر. حضرت مولاناک بر عبد
عارف و کامل اولدینغه شبهه یوقدر. او حالد قلبنک شرافتی
و حضرت حسام الدینک قدر بالا تری قیاس بیوریه .

ضعفا انشاء مساجد ، احیای معابد و باخصوص عزت
اسلام و قوت اهل ایمان ایچون وجودی وجوب تحتده
بولنان ادوات حربیه و وسائل نقایبه صرف و معاونت
صورتیه اولان مفارقت عاجلا اولسون آجلا اولسون
جالب مدح و ثواب اوله جفی بدیهی ایکن محضاً خست
طبیعت و ذنات جبلت یوزندن و یاخود آیات قرآنیه
و احادیث پیغمبرییه عدم اعتماد جهندن شناعت بحلی
شرافت سماحت اوزرینه ترجیح ایدنلرک یعنی فضله
اموالی قسماً اولسون وجود مذکورنک برسته صرف
ایتمدرک عاقبت موت ایله مفارقت ایلمدنلرک مستحق
عذاب و عتاب اولمقدن خوف و توقی الیاملری حقیقتا
جای تأسف و تله قدر. شونی ده عرض ایدلم که بو آیت
جلیله حقنده واقع اولان ترجمه فقیرانک تصوف جریده
معتبره سنک بر کوشه سنده قید و قبولی مقرر بولندیغندن
اکابر صوفیه دن بر ذات عالی طرفندن شو مقامده
بیان سیورلمش اولدینی بر نکته نک افاده سنی فائده دن
خالی کورمدم . شویله که حق تعالی حضرتلری مال
و ثروتی قلوب ناسک محبوب و مطلوبی خلق ایتش
اولدیغندن زکات مشروعه نی فرض و صدقات سائرینی
مسنون بیورماشدر . بناء علیه جناب حقهک غیرینی
محبوب اتخاذ ایمان عارف بالله اولان ذوانک مال و ثروته
زکات و صدقه نک تعلق ایتمه سی لازمکله . مع فایه نمازکی
زکاتک دخی فرض اولسنده کی حکمت ندر طرز زنده برسوال
وارد خاطر اولمش ایسه جواباً عارف بالله اولنلرک یعنی
وحده الوجود مقامه نائل و ذرات عالمک کافه سی برشمس
حقیقتک اثری بولندیغنه قائل اولان ذانلرک کندی
تفسیرلری کافه مخلوقاتک تفسیریه برابر موجود کورمکده
و نفوسک بر قسمی زاهد و قسم دیگرکی مال و ثروته طالب
و راغب بولندیغندن عارف بالله دخی قسماً زاهد و قسماً
راغب دیمکدر بناء علیه ادای زکات ایله مکلف بولنمی
ایجاب ایدر تاویل صحیحیه مقابله بیورماشدر اعزاء الله
الشرع حق تعالی حضرتلری قوللرندن بر فرد آفریدینی
ولی اولسون نبی اولسون احکام جلیله شرعیه لرینه